

Банкроттық рәсімдерін ауыл шаруашылығы ұйымдары үшін қолданудың ерекшеліктері туралы ережені бекіту туралы

Күшін жойған

Қазақстан Республикасы Үкіметінің 1997 жылғы 22 желтоқсандағы N 1816 Қаулысы. Күші жойылды - Қазақстан Республикасы Үкіметінің 2008 жылғы 11 қыркүйектегі N 840 Қаулысымен

Күші жойылды - Қазақстан Республикасы Үкіметінің 2008.09.11 N 840 (қолданысқа енгізілу тәртібін 3-тармақтан қараңыз) Қаулысымен.

Қазақстан Республикасының Үкіметі қаулы етеді:

Банкроттық рәсімдерін ауыл шаруашылығы ұйымдары үшін қолданудың ерекшеліктері туралы қоса беріліп отырған Ереже бекітілсін.

Қазақстан Республикасының

Премьер-Министрі

Қазақстан Республикасы Үкіметінің
1997 жылғы 22 желтоқсандағы
N 1816 қаулысымен
бекітілген

Банкроттық рәсімдерін ауыл шаруашылығы ұйымдары үшін қолданудың ерекшеліктері туралы ЕРЕЖЕ

Ескерту. Мәтін бойынша "Әкімгер", "әкімгер" деген сөздер алынып тасталды - ҚР Үкіметінің 2003.10.02. N 1016 қаулысымен .

Осы Ереже "Банкроттық туралы" Қазақстан Республикасының Заңында белгіленген банкроттық рәсімдерін ауыл шаруашылығы ұйымдарына қатысты қолданудың ерекшеліктерін реттейді.

I. Жалпы ережелер

1. Ереже Қазақстан Республикасының Азаматтық кодексіне, "Банкроттық туралы" Қазақстан Республикасының Заңына және Қазақстан Республикасының өзге де заңдарына сәйкес әзірленді.

2. Ауыл шаруашылығы ұйымдарының банкроттығы рәсімдері осы Ережеде көзделген ерекшеліктер ескеріле отырып, "Банкроттық туралы" Қазақстан Республикасының Заңымен реттеледі.

3. Осы Ереженің күші ұйымдастырушылық-құқықтық нысандарына қарамастан ауыл шаруашылығы ұйымдарына қолданылады.

4. Шаруа (фермер) қожалықтарының банкроттығы Қазақстан Республикасы Азаматтық кодексінің (жалпы бөлім) 21-бабына "Банкроттық туралы" Қазақстан Республикасының Заңына және "Жеке кәсіпкерлік туралы" Қазақстан Республикасы Заңының VII тарауына сәйкес жүзеге асырылады.

5. Ережеде мынадай ұғымдар пайдаланылады:

ауыл шаруашылығы ұйымы - жерді пайдалана отырып, ауыл шаруашылығы өнімін өндіретін; егер бұл өнімді, оның ішінде қайта өңделген өнімді сатудан алынатын кіріс жылдық кірістің жалпы сомасының елу пайызынан астамын құрайтын болса, мал шаруашылығы, құс шаруашылығы (оның ішінде төл өсіруден бастап толық циклы бар асыл тұқымды), ара шаруашылығы өнімін өндіретін ұйым; < * >

ауыл шаруашылығы өндірісінің маусымдылық циклы - ауыл шаруашылығы өнімдерін өндіру үшін қажетті көктемгі егіс және жиын-терін жұмыстарын қамтитын технологиялық шаралар кешенін орындау кезеңі;

Ескерту. 5-тармақ өзгерді - ҚР Үкіметінің 2003.10.02. N 1016 қаулысымен .

6. Басқа ұғымдар Ережеде "Банкроттық туралы" Қазақстан Республикасының Заңында қолданылып жүрген айқындамаларға сәйкес пайдаланылады.

II. Борышкер ауыл шаруашылығы ұйымын банкрот деп тану үшін негіздер

7. Ауыл шаруашылығы ұйымын банкрот деп тану туралы іс қозғаған кезде сотқа "Банкроттық туралы" Қазақстан Республикасының Заңында көзделген құжаттарға қоса жерлердің кадастрлық сипаттамасы мен ауыл шаруашылығы өндірісі маусымдылығының соңғы циклындағы ауа райы-климаттық жағдайының деректері ұсынылады.

8. Борышкер ауыл шаруашылығы ұйымын сот тәртібімен немесе соттан тыс банкрот деп тану үшін оның дәрменсіздігі негіз болып табылады.

9. Борышкер ауыл шаруашылығы ұйымының ауыл шаруашылығы өндірісі маусымдылығының кезекті циклының ішінде жалақы төлеу жөніндегі талаптарды қоса алғанда, кредиторлардың ақшалай міндеттемелер бойынша талаптарын қанағаттандыруға, сондай-ақ өзіне тиесілі мүліктің есебінен бюджетке және бюджеттен тыс қорларға міндетті төлемдерді төлеуді қамтамасыз етуге қабілетсіздігі оны дәрменсіз деп тану үшін негіз болып табылады. Борышкер ауыл шаруашылығы ұйымының активтерінің оның пассивтерінен шартты түрде асып кетуі борышкерді дәрменсіз деп танудан бас тарту үшін негіз болмайды.

III. Жерді пайдалану құқығының құны

10. Қазақстан Республикасының Жер кодексі 63-бабының 1-тармағына сәйкес жерді тұрақты және ұзақ мерзімді уақытша пайдалану құқығы олар банкроттық жағдайды қоса алғанда, өз міндеттемелері бойынша жауап беретін

заңды тұлғалардың мүлкінің құрамына кіреді.

Ескерту. 10-тармақ өзгерді - ҚР Үкіметінің 2003.10.02. N 1016 қаулысымен.

11. Оңалтушы және конкурстық басқарушылар ауыл шаруашылығы ұйымының жерді пайдалану құқығы заңдарға сәйкес ресімделгеніне, оның құны активтерге кіргізілгеніне және ауыл шаруашылығы ұйымының балансында көрсетілгеніне көз жеткізуге міндетті. Жерді пайдалану құқығын ресімдеу және оның құнын баланста көрсету жөніндегі заңдардың талаптарына сәйкес келмеушілік фактілері анықталған кезде әкімгер, конкурстық басқарушы тиісті тіркелуді, жерді пайдалану құқығын бағалауды және ауыл шаруашылығы ұйымының активіне кіргізуді қамтамасыз етуге міндетті.

12. Жерді пайдалану құқығын тіркеуге және оның құнын айқындауға байланысты шығыстар әкімшілік шығыстарға жатады.

13. Банкрот ұйымның жерді пайдалану құқығы конкурстық массаның құрамына кіреді.

IV. Дәрменсіз ауыл шаруашылығы ұйымын сауықтыру жөніндегі шаралар

14. Сот дәрменсіз ауыл шаруашылығы ұйымына қатысты оңалту рәсімдерін жүргізу мақсатқа сай болады деп ұйғарым шығарған жағдайда оңалтушы басқарушы борышкер ауыл шаруашылығы ұйымын оңалту жоспарында көзделген шараларды жүзеге асыруға кіріседі.

15. Дәрменсіз ауыл шаруашылығы ұйымын санациялау бағдарламасы ауыл шаруашылығы ұйымының төлем қабілетін қалпына келтіру жөніндегі нақты шараларды (оңалту шараларын) қамтуға тиіс.

16. Оңалту шаралары дәрменсіз ауыл шаруашылығы ұйымын таратуды болдырмауға бағытталған кез келген ұйымдастыру-шаруашылық, техникалық, қаржы-экономикалық шараларды қамти алады.

17. Оңалту рәсімдерінің ұзақтығы 2 жылдан аспауы тиіс. Сот оңалтушы басқарушының өтінімі бойынша оңалту шараларын жүзеге асырудың мерзімін ұзартуға, бірақ ауыл шаруашылығы өндірісі маусымдылығының бір циклынан аспайтын уақытқа ұзартуға құқылы.

V. Конкурстық массаның құнын ұстап тұру жөніндегі шаралар

18. Конкурстық басқарушы "Банкроттық туралы" Қазақстан Республикасы Заңының 13, 14-баптарына сәйкес өткізілген дауыс берудің нәтижесінде алынған кредиторлар комитетінің (жиналысының) келісімімен конкурстық массасының құнын ұстап тұру үшін қажетті шараларды жүргізу туралы шешім қабылдауға құқылы.

19. Конкурстық массаның құнын ұстап тұру жөніндегі шараларға:

1) жерлерді қорғау жөніндегі шаралар;

- 2) егін егу және жиын-терін жұмыстары;
- 3) материалдық-техникалық базаны дайындау және пайдалану;
- 4) өзге де шаралар жатады.

20. Конкурстық массаның құнын ұстап тұру жөніндегі шараларды жүргізуге арналған қаражат :

- 1) банкрот ұйымның активтерін мақсатты арналуы бойынша пайдаланудың;
- 2) өндірістік алаңдарды жалға берудің;
- 3) жаңа борыштық міндеттемелер қабылдаудың;
- 4) мүліктің бір бөлігін сатудың;
- 5) өзге де іс-әрекеттің есебінен алынуы мүмкін.

21. Конкурстық басқарушы конкурстық массаның құнын ұстап тұру жөніндегі шараларды жүзеге асыру мақсатында кредиторлар комитетінің (жиналысының) келісімімен банкрот ауыл шаруашылығы ұйымының атынан шарттар жасасуға құқылы. Жаңадан қабылданған міндеттемелер жөніндегі шарттардың қолданылу мерзімі конкурстық іс жүргізу мерзімінен аспауы тиіс.

22. Конкурстық массаның құнын ұстап тұру жөніндегі шығыстар, сондай-ақ жаңадан қабылданған борыштық міндеттемелер әкімшілік шығыстарына жатады. Конкурстық массаның құнын ұстап тұру жөніндегі шараларды жүргізуден қалған қаражат конкурстық іс жүргізу процесінде өндіріп алуға жататын мүліктің құрамына кіреді.

VI. Банкрот ауыл шаруашылығы ұйымының конкурстық массасын бірыңғай лотпен сату

23.-
3 0 . < * >

Ескерту. 23-30-тармақтар алып тасталды - ҚР Үкіметінің 2003.10.02. N 1016 қаулысымен .